

**SAOPĆENJE ZA JAVNOST POVODOM ODRŽANOG MEĐUNARODNOG SEMINARA  
EVROPSKE ORGANIZACIJE REGIONALNIH REVIZORSKIH INSTITUCIJA (EURORAI)**

Ured za reviziju institucija u Federaciji Bosne i Hercegovine bio je domaćin međunarodnog seminara EURORAI na temu „Vrijednosti i koristi regionalnih revizorskih institucija javnog sektora u kontekstu pandemije COVID-19“. Seminar je održan u Sarajevu u Hotelu Hills, u periodu 4. – 6. 11. 2021. godine.

Na seminaru je prisustvovalo više od 60 učesnika - rukovodilaca regionalnih revizorskih institucija koje su članice EURORAI-a, kao i generalni revizor Ureda za reviziju institucija BiH, te generalni revizor i zamjenici generalnog revizora Kancelarije za reviziju Brčko Distrikta.



Seminar je otvorio generalni revizor Ured za reviziju institucija u Federaciji Bosne i Hercegovine Dževad Nekić. Prisutnima su se obratili i predsjedavajući Predstavničkog doma Parlamenta Federacije Bosne i Hercegovine gosp. Mirsad Zaimović i članica Parlamentarne komisije odgovorne za reviziju gđa. Dženana Hodžić.



Seminar se sastojao od dvije panel diskusije, a prezentatori su predstavljali Austriju, Bosnu i Hercegovinu, Francusku, Njemačku, Rusiju, Škotsku, Švicarsku i Španiju.

Moderator prve panel diskusije, čiji je naziv bio „Regionalna i lokalna revizija javnog sektora u vrijeme COVID-19“, bio je Walter Wallman, predsjednik revizorskog suda Hessen (Njemačka), dok je moderatorica druge panel diskusije, čiji je naziv bio „Iskustva stečena od regionalnih revizorskih institucija javnog sektora iz već izvršenih revizija -COVID-19“, bila šefica Kabineta generalnog revizora Ureda za reviziju institucija u FBiH Mia Buljubašić.



**Zaključak panel diskusija je da su regionalne revizorske institucije za vrijeme pandemije pokazale da su agilne uvodeći nove radne prakse i tehnologije, da su se pravovremeno bavile revizijom mjera za ublažavanje posljedica izazvanih pandemijom, te time potvrdile svoju vrijednost i korist za društvenu zajednicu. Transparentnost i javna odgovornost za vrijeme pandemije je od posebne važnosti, a revizorske institucije imaju značajnu ulogu u promovisanju ovih principa i jačanja povjerenja građana.**

Seminar je zatvorio predsjednik EURORAI-a i predsjednik revizijskog suda Gornje Austrije, gospodin Friedrich Pammer, koji je rekao da veliki broj učesnika na ovom seminaru pokazuje koliki je interes za **umrežavanje i profesionalnu razmjenu** u finansijskoj kontroli javnog sektora u Evropi, i koliko je važna razmjena tema, iskustava i metoda rada za revizore javnog sektora. Visoki standardi u metodama rada kao i visok nivo profesionalne stručnosti revizora, temelj su rada regionalnih eksternih revizorskih institucija javnih finansija širom Evrope.



Na večeri povodom zatvaranja seminara prisutnima se obratio potpredsjednik Federacije Bosne i Hercegovine gosp. Milan Dunović, koji je čestitao Uredu na organizaciji seminara i **istekao važnost revizorskih institucija u jačanju integriteta i odgovornosti** u javnom sektoru.

Sarajevo, 8. 11. 2021.